



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 97-сса шин.

12+

«ЗАРЯ»

Нюжмар
6 август
2021 ш.

№ 33

www.zaria-online.ru
gazetazary@mail.ru

Лаккуй булалисса ламул х1акъираву

Х1урмат бусса лакрал жямат!

Махъсса ппурттуву таманссаннал ц1ухху-бусу булай бур, к1а жула Лаккуй булалисса ламул иш ссайн буклакиссар т1ий. Мунияту пикри хъунни ца-к1ива хха чичин, инсантурангу к1улну бик1аншиврул цукун ци хъанахъиссарив, шярал махъругу къабик1аншиврул.



К1улсса куццуй, проектту ц1акъ дурну (экспертиза бувну), ламу булай байбивхъуну буссия. Цушагу буссия к1ива ламу бан най: цалчинмур ламу - 100 метралул лахъишиврийсса, Шавк1улал хъхъич1сса къакъалул ялтту, к1илчинмур ламу -155 метралул лахъишиврийсса, Хъун-неххал ялтту. Вай к1ивагу ламуту буссия ца проектрай, ца контракт дурну. Вайннул багъа буссия ккаккан бувну 1 миллиард ва 147 миллион къурушрттал. Бюджетраву ми к1ивагу ламу бансса арцу-

гу ккаккан дурну дуссия.

Цалчинмур ламу булай бач1и-къач1и хъусса ч1умал, к1илчинмур (агъаммур) ламу байбишин х1адуршин дуллай буссия. Му ч1умал Шавк1улал чулухасса ххяллуи, к1а ламул гъану бизан аьркинсса к1анай, х1исав хъуссар хъун-насса ххярац1у, цурдагу, проект дуллалисса ч1умал, проект дайсса специалиствтуран х1исав къархъусса. Балжину ч1алан бивк1ссар к1укунсса ххярац1у дусса к1анай ламул гъану бизан къабуч1ишиву. Давуртту дац1ан дан багъ-ссар, хъирив лавну, цукун ци бан бури ккаккун, ц1усса х1укму баннин.

Утти т1урча, ягу к1а-ва к1анай бан багълай бур ламу, амма му ч1умал му-нил лахъишиву ххи хъанай дур, ххярац1у дусса к1анай гъану къабизаншиврул. Ягу 200-300 метралул ялавайну цамур к1анай бан багълай бур. Шиккува ххи бан, мух-хал багъагу махъсса шинай

к1илийну, шамлийну ххира хъунни. Бак1райва дурс-са х1исав даврил ч1алач1и булай бур, к1иц1 лавгсса х1укмурдава цумур къамул барчагу, ламул багъа к1или-ну бакъа ххишалагу ххи хъун бюхъайшиву.

Ц1анасса ч1умал цал-чинсса проект дурсса ида-ралущал миннал сант дакъа проект даврил х1акъира-вусса судрай баст-ччал най бур. Му зат ца чулийн бук-кайхту, ц1усса проект заказ дансса пикри буссар. Яла, ц1уну дурсса проектрай ла-мул багъагу ссан бац1лай бури ккаккун, аьркинсса арцугу бюджетрай т1алав дан багълай бур. Му масъ-ала щаллу бансса гуж жу бишинт1иссар. Амма х1а-къинусса къини му масъала щаллу хъунт1иссарив, къа-хъунт1иссарив къанкъану учин хъанай бакъар, цан-чирчан ламу хъинну ххира-ну бац1лай бур. Ва даража-лийсса ламу Дагъусттаннай махъсса 20-30 шинай бувну бакъар. Аьрасатнавугу му-кунсса ламурду лапва чан-ну байссар. Ци бухъурчагу, умуд бур, шайнал шаймур бувну, хъхъич1унсса жула инсантуралгу кумаг бувну, к1а ламул масъала щаллу хъунссар т1исса.

*Зиябуттин Х1ажимирзаев,
Дагъусттанал Транспортрал
ва ххулурдал министерство-
лук отделданул хъунама.*

Социальный кумаг

Дуклаки оьрч1ан арцу итадакълай бур

Июльданул 2-ний Аьрасатнал Президент В.Путиннул чивчуссия дуккаврил ц1усса шинай-нин 6 шинава 18 шинавун бияннинсса циняв оьрч1ан дуккаврин аьркин шайсса затру машан ласунсса арцу итадакъинсса Указ. Ми арцу итадакъин Премьер - ми-нистр Мишустиннул лич1и дурни 204 миллиард къу-руш.

6 шинава 18 шинавун би-яннинсса циняв оьрч1ан х1укуматрал итадакълай бур ца-цаннан 10 азара къуруш. Инжитшивуртту дусса, ц1уллушиву ххуйс-са дакъами оьрч1ан т1урча ми арцу итадакълай бур оь-рмуллул 23 шинавун биян-нинминнан.

Ми арцу ласуншиврул, дуклаки оьрч1ал нитти-бут-тал аьркинссар «Госуслуги» порталданий аьрза чичин. Ягу, му даву дан къабюхъ-айхъурча, Пенсионный фон-драл отделениелийн гъан. Му ч1умал цукунч1авсса до-кументру, справкарду щаллу дуллан аьркин къашайссар.

Госуслугарттал порталда-нийгу аьрза чичин ца ми-нут1 гъа шай.

Ми цал арх1ал дулайсса арцу ккаккан дурну дур 6 шин хъусса оьрч1 школалий дуклай унугу, акъанугу. 17 шинавумагу вузравун увх-хун унугу, акъанугу. Аьр-кинну бур анжагъ му увсса къини дагъан 2003 шинал июльданул 3-ния 2015 ши-нал сентябрьданул 1-нинсса ппурттувун. Ц1уллушиву ххуйсса дакъами оьрч1ру т1урча бувну бик1ан аьр-кинну бур 1998 шинал июль-данул 3-ния махъ.

Аьрзри чичлай нину-ппу байбивхъун бур. Уттинин

чивчун бур 11 миллионда-лия ливчусса оьрч1ан арцу итадакъинсса 8 миллионда-



лия ливчусса аьрзри.

Арцу итадакълай бай-бишинт1ий бур августрал 2-ний. Аьрзри уттигу къа-чивчуминнаца ми чичин бюхъант1ий бур ноябрьда-нул 1-нин. Циняннан арцу (Ахир 3 лаж.)

Роспотребнадзорданул РД-лийсса
Управление

Дуккаврил ц1усса шинайн школарду х1адур баврия

Коронавирусрал ц1усса инфекциялул къашавай хъанахъими ч1яву шавриц1ун бавх1уну, корона-вирусрал цайми вирусру ппив хъанан бюхъайшивугу х1исавравун лавсун, Роспотребнадзорданул РД-лийсса Управление къулагъас дуллай бур дуккаврил ц1усса шин дайдишиннин школарду х1адур бан аьркиншиврух оьрч1ру къамул бан. Х1исавравун ласун багълай бур вай шарт1урдийсса санитариялул законнал т1алавшинну.



Ц1усса дуккаврил ши-нал школардай даву дуллан багълай бур санитариялул къайдарду дурурчусса хасъсса низамрай. Мукун-ма биттур бан багълай бур РФ-лул паччах1лугърал санитариялул Хъунма х1а-киннал 2020ш. июльданул 13-ний бувсса №20 х1укму («О мероприятиях по про-филактике гриппа и острых респираторных вирусных инфекций, в т.ч. новой ко-ронавирусной инфекции (COVID-19) в эпидеми-ческом сезоне 2020-2021 годов»). Эпидемиологи-ялул тагъар зах1матшаву бюхъайссакасса чан даву мурадрай МО-рдал бак-1читурал, образование-лул управлениелий каялу-шиву дуллайминнал ва школардал директортурал аьркинну бур:

1.2021-2022ш.ш. грип-прал, ОРВ-лул ва коронави-русрал ц1усса инфекциялул къашавайми ч1яву хъусса ппурттуву образованиелул организациярдай мин-тин бакъа биттур дуллан сани-тариялул ва эпидемиялин къаршисса давуртту. Мин-нуну духлахиссар:

1.1.Роспотребнадзорданул РД-лийсса Управлениелин баян баву ца зузи къинилул мутталий образованиелул даву дайдихълахъисса ч1ун;

1.2.школарду т1итиннин, миннувусса гъарзат ххуй-ну марц1 даву (генеральная

уборка);

1.3.гъарца къини к1юрх-хил школарулул бухлахисса циняннал чурххал к1ири-шиву ххалдуллан, инжитми буххан къабитаву мурадрай, хъулуви ми цач1ун хъунгу къабитлай;

1.4.дезинфекциялул низам гуж дан (лазилакшивурт-ту дуллан, каруннайх дук-кайсса антисептикру, гъава марц1 байсса дезинфекция дайсса затру диклан);

1.5.гъарцаннал марц1ши-ву дуруччинсса шарт1ру дузал дан (ссах1ван, цал ишла дайсса полотенцерду ягу электрополотенцерду лажин-ка шюшайсса клант-турдай, х1ажатханттаву ишла байсса чагъарду);

1.6.дукра дайсса зузалтрал маскарду ва кат1ри ишла дуллалаву;

1.7.гъарца классрац1ун лич1и -лич1исса кабинетру ц1акъ баву, актовый залда-нуву, спортрал залдану, библиотекалий дарсру, цай-ми давуртту анжагъ ца клас-срацал дакъа къадаву;

1.8.дуккаву сакин дан хасну дурсса дарсирдал рас-писаниелий, столоваялулун гъайсса графику бувну, ду-клаки оьрч1ал хъунабакъа-вуртту бюхъайссакасса чан дансса куццуй;

1.9.оьрч1ру бавт1сса ли-ч1и-лич1исса классирттал-гу, школардалу даяивсса давурттан къадагъа дишин (Ахир 2 лаж.)

«Лакрал район» МР-данул х1укму

30 июль 2021 ш. №125

Коронавирусул инфекциялин къарщисса прививкарду даврия

Коронавирусул ц1усса инфекция ппив хьунсса нигъач1аву уттигу душивруц1ун бавх1уну ва Дагъусттан Республикалул санитариялул Хьунма х1акиннал июльданул 21-ний бувсса «О проведении профилактических прививок отдельным группам граждан Республики Дагестан по эпидемическим показаниям» т1исса №37 Х1укмулий т1исса куццуй, мукунма 1999 шинал мартрал 30-ний къамул дурсса Федерациялул «О санитарно-эпидемиологическом благополучии населения» т1исса №52-ФЗ Закондалул 51-мур статьялул 1-мур пунктрал «б» подпунктрайн, 1998 шинал сентябрьданул 17-ний къамул дурсса Федерациялул «Об иммунопрофилактике инфекционных болезней» т1исса №157-ФЗ Закондалул 10 статьялул 2 пункттрайн, «Общие требования по профилактике инфекционных и паразитарных заболеваний» т1исса 3.1/3.2.3 146-13 СП-лул 18,3 пункттрайн, 2014 шинал мартрал 21-ний бувсса Аьрасатнал Минздраврал «Об утверждении национального календаря профилактических прививок по эпидемическим показаниям» т1исса №125Н Приказрай т1исса куццуй

х1укму буллай ура:

1. Медициналул прививкарду дан къабуч1уну ккаккан бувну бакъахьурча, «Лакрал район» МР-данул администрациялул бут1раву, организациярдай, учреждениерттай зузисса циняв зузалт буржлув бан 2021 шинал июльданул 9-нин профилактикалул прививкарду дан вакциналул цалчинмур бут1лул ягу ца бакъа бут1а бакъасса вакциналул, 2021 шинал июльданул 30-нин т1урча вакциналул к1илчинмур бут1лул прививка дан, Аьрасатнал Федерациялий пачах1лугърал регистрация дурсса коронавирусул инфекциялин къарщисса вакциналул.

2. Шяраваллал бак1читуран маслих1ат бан цайнна дагъайсса учреждениерттал ва организациярдал зузалт вакцинация дан бансса ххуллурду лякъин. Мукунма инсатуращал бувч1ин баврил даву сакин дан, ц1усса коронавирусул инфекциялия вакцинация дан аьркиншиву бувч1ин буллай.

3. «Лакрал район» МР-данул администрациялул организациярдай ва учреждениердай каялушиву дуллалисса цинянан, къулбасру дан бувну циняв к1ул бан ва х1укмулущал.

4. Организациярдай ва учреждениердай каялушиву дуллалисса цинянан 2021 шинал сентябрьданул 1-нийл ч1ал къабувну администрациялул юридический масъалартталсса ва кадрардал даврилсса байсса отделданул начальникнахъхьун дулун зузалтрал коронавирусул ц1усса инфекциялул вакцинация дурсса сертификатру ягу профилактикалул прививкарду дан къабуч1ишиву тасттикъ буллалисса документру, ц1ана ишла хъанахъисса законнайн бувну.

5. Коронавирусул ц1усса инфекциялин къарщисса профилактикалул прививкарду къадурсса ва ми дан къабуч1ишиву медициналул ккаккан бувну бакъасса администрациялул организациярдал ва учреждениердал циняв зузалт давуртта гъан бан сентябрьданул 1-ния гихунмай, миннан харжгу къабуллан, коронавирусул инфекциялул эпидемиологиялул тагъар ххуй хьуннинц1а.

6. Ва х1укму биттур баврил ялув ац1аву дихълай ура «Лакрал район» МР-данул бак1чинал зам. А.М.Къюннуевлуй.

Ю.Х1.Мах1аммадов,

«Лакрал район» МР-данул администрациялул бак1чи.

Республикалий - агъамсса ишру

4 август - Дагъусттан Республикалий 2013-2017 шиннардий бак1чишиву дуллай ивк1сса Рамазан Аьвдулат1иповлун 75 шин шаву.

10 август - Хасавютсlobода Хасавюрт шагърулин к1ура баян бувну 90 шин шаву.

11 -август Дагъусттан Республикалул халкъуннал шяэр, ногъайннал поэтесса Кулунчакова Бийке бувну 75 шин шаву.

15 август - Буйнакскаллал шяраваллил хозяйстволул техникум т1ивт1уну 65 шин шаву.

15 август - Кахаб-Росолиясса яруссаннал шяэр Мах1мудлун хасъсса халкъуннал балайрдал фестиваль, «Звучи мой пандур» т1исса, Унц1ук1уллал райондалул Шамилкъалалив даву.

18 август - ДАССРданул халкъуннал артиска Мариян Дандамаеван 85 шин шаву.

22 август - Аьрасат Федерациялул Х1укуматрал ттугълин хасъсса жагъилтурал акция даву (Мах1ачкъалалив).

30 август - «Андийская бурка» т1исса фольклорданул фестиваль Ботлихуллал райондалий, Аьндиннал шяраву даву.

АТК-лул заседание к1илчингу хьунни

Июльданул 27-ний райондалий хьунни террорданин къарщисса комиссиялул заседание. Эпидемиялул тагъар духьукун, му заседание дунни видеоконференциялул низамрай.

Заседание дачин дурна райондалул бак1чи, АТК-лул председатель Ю.Мах1аммадовлул. Ххалбивгъуна арулва масъала.

Ю.Мах1аммадовлул кут1ану бувсуна райондалийсса террорданин къарщисса даврия. Микку к1иц1лавгуна, чялиш дуккан дан багълай бушиву «Комплексный план противодействия идеологии терроризма на 2019-2023г.г.» бартдигъинсса давурттугу, жагъи-жугъул-траву, ч1аважагъилтураву дуллалисса профилактикалул давурттугу.

-Жунма аьркинну бур ца мурадрай зузи дан экстремизмалушчал ва терроризмалушчал талан властьрал ва жяматрал органну, -укунни мунал. -Хасъсса ктулагъас дан багълай бур экстремистуран ва террористуран кумаг буллалиминнах ва миннал чул бувгъуминнах, мукунма миннал матчагъанминнах. Жува кувнал кувнан кумаг буллан аьркинссару, инсантуращал ара ссавурданий, аькълу буну сакин дуллай.

Цалчинмур масъалалул х1акъираву («Об эффективности исполнения в МР «Лакский район» мероприятий по реализации «Комплексного плана противодействия идеологии терроризма в РФ на 2019-2023годы в РД по МР «Лакский район» в первом полугодии 2021 гоад») ихтилат бувна террорданин къарщисса комиссиялул аппаратрал начальник М.Гадаевлул.

К1илчинмур масъалалул х1акъираву («Об организации работы в области противодействия идеологии терроризма, экстремизма на территории поселений, организации работы ДНД

и реализации решений АТК в Лакском районе») ихтилатру бувнни «Буршиял сельсовет» МО-рал



бак1чи М.Махачевлул, «Шяравалу Ххюлусун» МО-рал бак1чи Х1-М.Акаевлул ва «К1улушац1рал сельсовет» МО-рал бак1чи М.Мах1аммадовлул.

Шамулчинмур масъалалул х1акъираву («Об обеспечении безопасности в период подготовки и проведения культурно-массовых мероприятий ко Дню знаний») ихтилат бувнни полициялул Лакрал МО-рал начальник М.Рамазановлул.

Мукъулчинмур масъалалул х1акъираву («О ходе исполнения решения НАК, АТК в РД и АТК в МР за первое полугодие 2021 года») ихтилат бувнни райондалийсса террорданин къарщисса комиссиялул аппаратрал начальник М.Гадаевлул.

Ххюлчинмур масъалалул х1акъираву («О мерах по устранению выявленных недостатков в организации ра-

боты ответственных должностных лиц, допустивших нарушения требований к антитеррористической защищенности объектов образования, а также других социально значимых объектов и мест массового пребывания людей») ихтилат бувнни райондалул образованиелул управлениелул начальникнан к1анай зузима Т.Мах1аммадовлул.

Ряххулчинмур масъалалул х1акъираву («О плане

действий Антитеррористической комиссии в муниципальном районе «Лакский район» при установлении уровней террористической опасности») ихтилат бувнни террорданин къарщисса комиссиялул аппаратрал начальник М.Гадаевлул.

Арулчинмур масъалалул х1акъираву («О мерах по организации добровольной сдачи гражданами незаконно хранящегося огнестрельного оружия, боеприпасов и взрывчатых веществ в МР «Лакский район» ихтилат бувнни полициялул Лакрал МО-рал начальник М.С.Рамазановлул.

Ххалбивгъусса циняв масъаларттайн бувну, хасъсса х1укмурду къамул бувнни, ми шаллу бавривусса диялдакъашивуртту духлаган дансса ва давуртту чялиш дуккан дансса.

Дуккавил ц1усса шинайн школарду х1адур баврия

(Дайдихъу 1 лаж.)

(сентябрьданул 1-ийсса цалчинмур гюнгут1ул байрамгу дан цала-цала классраву ягу, нитти-буттал маскарду дарх1уну, къат1ув гъавалий).

2.Къулагъас дан школарду ссутнил -к1интнил ппурттуву зун х1адур шаврих. Хъхьич1а-хъхьич1 бурган миннул материаллал -техникалул щаллушиндарах, ремонтрал давуртту къуртал даврих, дукра дай к1анттурдах, къатри гъили байсса ва гъава марц1 байсса системарах ва ми к1инттул зузаврих.

3.Гриппрал къашавайми ч1яву хъусса ппурттуву ва вирусрал инжитшивуртту

дусса ппурттуву зун школарду х1адур шаврил ялув бац1ан.

4.Санитариялул законнал т1алавшинну дурччаврил ялув бац1ан, хъхьич1а-хъхьич1 - школардай дуккавил -тарбиялул шарт1ру ххуйну сакин дансса санитариялул къяйдарду дурччаврил ялув Хаснува:

4.1.профилактикалул ва дезинфекциялул давуртту школардай даврил ялув бац1ан, хасъсса къулагъас бувч1авурттал учасокру дурсса организациярттал къатрах дурну;

-к1юрххил дарсирдайн, давурттайн бувк1ми ц1уллу-

ну бузив, бакъарив ххал баврил ялув бац1ан;

4.2.школалин гъаннинсса образованиелул организациярдай оьрч1ру гъавалийх заназ бан буцавил низам дуруччаврил, школардай гъавалий физкультуралул дарсру дишаврил ялув бац1ан;

4.3.хасну сакин дурсса расписаниелул т1алавшинну дурччаврил (лич1исса кабинетру ц1акъ баврил, классру бач1аврил ва м.ц.) ялув бац1ан;

4.4.зузалтран маскардал луртан ва каруннал дезинфекция дайсса затру (салфеткарду, гелъу ва м.ц.) диялсса душиврул ялув бац1ан.

Н.Н.Павлов,

Роспотребнадзорданул РД-лул Управленилий каялушиву дуллалима.

Итхяххсса ч1явусса агьлу бувккунни ва шярава. Цамур къаучирчагума Т1улизмату буттал клант-ту буруччин Хъундъявил-лин лавгун бур 71 инсан.

Ч1явуссаннал ларсун дур аьралий чинну, орден-ну медаллу.

Т1улизуннал жяматран ххуйну клулли дяъвилин лав-гминнал, миннал къучагъшивурт-тал х1алкъазия.

Муинсса ца барану бур шяраву ц1уну бувсса дяъвилул, къучагъшиврул музей.

Шикку бакъар паччах1лугърал идарартту.

Исвагъину дурсса музейрал къатлувун бувхукун, миккусса стендирттал, дяъвилул къайкъуйлул дак1нин бичлай дур тай зах1матсса дяъвилул шинну, совет халкъуннал

Т1улизмав

Дяъвилул къучагъшиврул музей

Т1улизуннал шяравалу

Цила ч1умал Лакрал райондалул шяраваллаву циннасса хасшивуртту, ххуйсса т1ул-т1абиат, вибуц1усса таварих бусса шяравалу. Вайми щархъурду кунна вагу ххялт1а дурккунни. Амма ц1уну бувсса, буллалисса къатри, буч1айми -гъайми, буттахъал мина-лухсса жяматрал ччаву х1исавравун ласурча, шяравалу ц1улуглай дур учин буч1ир.



хъунма х1ал къалавгун, сайки циняв ливт1унни, дяъвилий ххусса озьрур-дал.

Музейраву ч1алай дус-сар жула къучагътурал ларсъсса ч1ярусса дяъви-лул наградартту.

Клиннал ларсунни Су-воровлул ц1анисса орден-

ну, 1 талай ив-клссар Брестрай. Мунан Виричу-нал ц1а дулун ккаккан бувну бивклссар, -ув-кунни Аьлишал.

Т1улизмав т1ивт1усса дяъ-вилул музейрал агъамшиврия, т1улизунчув-турал, лакрал Хъундъявилул ч1умал ккаккан дурсса къучагъ-шивурттая, за-х1матрая бусла-сисса, музей бан зий бивклмин-найн барчаллагъ баян буллалисса ихтилат ялагу бунни Абакар Къюннуевлул,



дурсса къучагъшивуртту ва къирият, Тулизуннал агьлданул Ххувшаву ласун цуксса оь экибув-т1уссарив, зах1мат бувс-сарив.

Музей баврил давуртту Т1улизмав ччянира сукку хъуну дирк1ун дур.

1998 шинал цалчин духсса къатраву музей зузи бувну бивк1ун бур му бан чялиш увксса Ах1ма-дов Арабеклул.

Ми къатри лекълан дир-к1укун, музейран ц1усса, цинна хасъсса къатри дан шурун ивк1ун ур Исакъов Аьлиша Аьбдурах1ман-нул арс. Жяматгу, кумаг-читалгу лагма лаган був-ну, бувну бур исвагъисса музей зузи бансса хасъсса къатта.



Нанисса шинал август зурул 1-ний Т1улизмав хъуннасса шадлугъ дия. Кликувассагу, шагърур-дая бувклссагу жяматрал агьлу, хъамал бавт1ун бия дяъвилул музей т1ит1ин.

Ва бусравшиву хъун-насса бат1аврий гьуртту хъунни райондалул бак-1чинал хъирирма Абакар

Къюннуев, Ла-крал ва Ккуллал районнал воен-комнал буржру ч1умуйну биттур буллалисса Ши-малин Вагъабов ва цайми.

Музей т1ит1ав-рил ят1ул лиссугу къуркъуну, му са-кин буву, шяра-валлил патриот Аь.Исакъовлул барча бунни бавт-1цири, дак1нин бивчунни Хъун-дяъвилул цаппара лах1зарду: -1998 шинал х1урмат бусса Арабеклул х1арачат бувна шяраву дяъвилул къучагъшиврул музей т1ит1ин.

Музейрахъсса къатри

лекълай дуну, пики хъуна ц1усса къатри дан, жула буттахъал, буттал-бут-тахъал ирс буруччин, ми хъирир нанисса никиран хъама къабитан, минная эбрат ласун.

Жяматрал, кумагчиту-рал х1арачатрайну му даву дан хъунни. На жяматрахъ тавакъю буллау ура ва му-зей хас бувминнал, миву ларч1сса цардал аьпа гихунмай зула озьч1аву, гъанминнаву, клулминна-ву ц1акъ хъунсса куццуй бачин баву...

Т1улизмату 71 къучагъ лавгссар Хъундъявилин, ч1явуми -хушрай. 29 за-накъавхъуссар, миннава 12 чув увчхъуссарив къа-к1улну бат хъуссар. Зана бивклсса 31 инсаннягу,

Шималин Вагъабовлул, цала жяматрава Хъундъя-вилин лавгминная биял-ну клулсса Аьбдул Аьли-евлул, Т1улизуннал куяв Мах1аммад Аммаевлул (Хъуриятусса), шяравусса хъуначув Мах1аммад-Ра-сул Гъазиевлул, Мусалав Мусалаевлул ва цаймин-нал.

Хъирир жямат лаг-ма лавгунни буллугъсса ссупралул. Ва къини му-зей т1ит1аву дакъассагу, к1иц1 лаглай бия Т1ули-зуннал къинигу.

Миккугу маслих1атру бунни шяраву шихуннай дансса давурттал.

Барт лаганнав жяма-трал мурадду. Ц1улаган-нав, барачат бишиннав Т1улизуннай!

Дуклаки озьч1ан арцу итадакълай бур

(Дайдихъу 1 лаж.)

итадаркъун къуртал хъун аьркинну бур ноябрьданул 15-нин.

Кулпатраву к1ия-шама озьч1 ухъурча, арцу ита-дакълакхиссар гъарцаннан. Гъарца озьч1ан лич1и -ли-ч1ину аьрза чичингума къа-багъайсар.

Аьрза интернетравухч1ин («Госуслуги» порталданий)

чичлачини цукунч1авсса до-кумент аьркин къашайсар. Пенсиярттал фондрал от-делениелий чичлачини, аьр-кин шайсар: паспорт, озьч1 баврил свидетельство, нит-тил ягу буттал ва озьч1ал СНИЛС.

Аьрза ххалбигъин аьр-кинсса ххюра зузи къинилул мутталай.

Арцу канихъхъун къаду-

лайсар. Ми дичайсар вил арцу дуч1айсса карталайин.

Ми арцу кулпатрал дохо-дирттаву х1исав къадайсар ва вияту дугъан багъайсса арцувунгу къадагъайсар. Ми арцу дулун дан «кумаг» банну т1исса интернетравус-са х1арамзадагурахъгу зула карталул номер мабусари.

«Российская газета. Не-деля» №163, 21 июль 2021ш.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективности
представленных для
публикации материалов.

Вакцинация**Бугъарами COVID-19-рая
буруччин**

Коронавирусная буруччин прививка даврил инсан-
стал личли -личину бурутлай бур. Чансса бакъар
мунийн вихшала дакъассагу, билаятрал Президентгу,
дунияллийгу, Аьрасатнавугу цIадурксса хIакинталгу
телевизорданувух прививкалар зарал бакъассар, зулла
зува буруччин прививка дуваратIий бунува.



Прививкарду даврил ком-
паниялува Аьрасатнал реги-
оннаву Дагъусттан махъун
багъну бур. Мунийту жучIа-
ва къашавай хъумигу чIа-
вусса бур щала республика-
лийгу, жула райондалийгу.

Вакцинацияли хайр
бакъашиврийн, привив-
карду дан къаччиминнайн
вих хъанахъими (мукун-
миннаву чIявуми бикIай
хъами, душру) бакIрай
бацIан бансса мурадрай,
бурганну ци тIий буриу му
иширая Аьрасатнал герон-
тологиялул элмулул -кли-
никалул Н.И.Пироговлул
цIанисса РНИМУ цен-
трданул периастрал вакци-
нациялия.

**-Цумур вакциналул при-
вивка дурну хъинссар уга-
расса инсанна?**

Угъарасса инсаннаца
прививка дан буюхайссар
РФ-лий регистрация дурсса
ччимур вакциналий.

**-Хъинну бугъара хъусса
къужран прививка дан бу-
чIиссаривав?**

Хъунив хъуминнал хро-
нически инжитшивурт-
ту, герпатриялул лишанну
духъурча, му вакцинация
къадансса савав къахъ-
анахъиссар. Амма, при-
вивка даннин, хIакинна-
щал маслихIат ккаккарча
хъинссар.

**-Буюхайссарив, при-
вивка дурну, хронический
инжитшивуртту оьдикIан,
гуж хъун?**

Къабуюхайссар. Амма
прививка дурну хъинссар
хронический инжитшивур-
ду куклу хъусса чIумал.

**-Бугъараминнан онколо-
гиягу, сахарный диабетгу
вакцинация дан къабу-
чIисса савав хъанахъисса-
рив?**

Къахъанахъиссар.

**-Гьутрудал инжитши-
вуртту дурса угъарачуван
вакцинация дан бучIисса-
рив?**

Ччимур хронический ин-
житшиву духъурча оькъа-
диркIсса стадиялий, вакци-
нация дан ихтияр дуссар.

**-Вакцинация дайхту бу-
гъараминнал цайми инжит-
шивуртту цукунсса ялун
личин буюхайссар?**

Прививка бугъарамин-
нал ххуйну духIай. Нажагъ
ца-цавайннал вакцинация
дурну махъ 1-2 гъантлий
хIал бакъашиву, чурххал
температура чансса ларай
шаву, тIааьн бакъасса асарду
ххалаххи бувсса кланай хъа-
нан дикIай.

**-Вакцинация дурну махъ
азар къалахъансса чурххал
цIакъшиву та шайссар (им-
мунитет)?**

Иммунитет хъанан ди-
кIайссар ца-кIира нюж-
мардий, хIатта - зурдардий.
Мунийту, вакциналул цал-
чинмур ххалаххи бувну махъ
ва кIилчинмур бувну махъ
мукъра нюжмардий хасъсса
къулагъас дурну, урувчуну
икIан аьркинссар: маскагу
ларххуну, цайминная ман-
зилгу бурувчуну.

**-Вакцинация дурминнал
азар къалахъансса иммуни-
тет цуксса лахъи лагайссар?**

Му лахъи лагайссар 6
зуруа кIира шинайн биян-
нинсса хIаллай. Му масъа-
ла уттигу хъириу лаявуртту
дуллайнма буссар.

**-Дарурттан аллергия ду-
хъурча, бучIиссарив бугъа-
раминнан прививка дул-
лан?**

Вакцинация къаданс-
са савав хъун буюхайссар
вакциналул захIматсса,
гужсса аллергия хъун даву.
А дарурттан аллергия ду-
шиву вакцинация дан къа-
бучIисса савав къахъа-
нахъиссар.

**-Къашавай къавхъумин-
нал вакцинация даннин
антитела ххал дан аьркин-
сарив?**

Къааьркинссар.

**-Ялагу цукунсса привив-
карду дан аьркинссар бу-
гъараминнал?**

Профилактикалул при-
вивкардал календарьданий
бугъараминнан дан ккаккан
бувну бур гриппрал ва пнев-
мококкрал инфекциялул
прививкарду.

РЕСПУБЛИКА ДАГЕСТАН
АДМИНИСТРАЦИЯ МУНИЦИПАЛЬНОГО РАЙОНА
«ЛАКСКИЙ РАЙОН»

РАСПОРЯЖЕНИЕ
от 29 июля 2021 г. № 228-р

Из районного фонда финансовой поддержки перечислить бюджетные средства: (электроэнергия)

1. Материально-техническое и финансовое обеспечение органов государственной власти:
Администрация МР «Лакский район» - 33,0 т.р.

2. Организация предоставления общедоступного и бесплатного дошкольного, начального общего, основного общего, среднего(полного) общего образования по основным общеобразовательным программам:

МКДОУ «Детский сад «Солнышко» - 30,0 т.р.

МКДОУ «Кумухский детский сад» - 50,0 т.р.

МКУ «Кумухская школа искусств» - 25,1 т.р.

МКОУ «Курклинская СОШ» - 3,0 т.р.

3. Поддержка средств массовой информации
МКУ «Редакция газеты «Заря» - 3,0 т.р.

4. МКУ «ЖКХ, С и СЕЗ» - 3,0 т.р.

5. Содержание учреждений культуры и искусства в части межпоселенческих расходов:
МКУК «ЦТКНР» - 17,0 т.р.

РАСПОРЯЖЕНИЕ
от 28 июля 2021 г. № 222-р

Бюджетные средства, поступившие из федерального бюджета на основании Постановления ПРД №171 от 12.08.2020 г на оплату ежемесячного денежного вознаграждения за классное руководство в сумме 1028580 руб. перечислить:

Организация предоставления общедоступного и бесплатного дошкольного, начального общего, основного общего, среднего(полного) общего образования по основным общеобразовательным программам:

МКОУ «Кундынская СОШ» - 74865 р

МКОУ «Хурхинская СОШ» - 52405 р

МКОУ «Кубинская СОШ» - 59892 р.

МКОУ «Куминская ООШ» - 52405 р.

МКОУ «Карагинская ООШ» - 52405 р.

МКОУ «Щаринская СОШ» - 82352 р.

МКОУ «Шовкринская ООШ» - 67378 р.

МКОУ «Чуртахская ООШ» - 70308 р.

МКОУ «Курклинская СОШ» - 82352 р.

МКОУ «Кумухская СОШ» - 157217 р.

МКОУ «Унчукатлинская СОШ» - 82352 р.

МКОУ «Хуриная ООШ» - 59892 р

МКОУ «Хуниная ООШ» - 44919 р

МКОУ «Каринская ООШ» - 22460 р.

МКОУ «Уринская ООШ» - 67378 р.

Глава администрации
МР «Лакский район»



Ю.Г. Магомедов

Баян баву

«Лакрал район» МР-данучIасса агъалий давурттал
щаллу бавриха зузисса центр баян буллай бур даву дакъа
ливчIмину ккаласса, даврихун къабагъсса гражданду-
райн «Северо-Кавказская железная дорога РЖД» акцио-
нер обществолулIа бушиву зунсса кланттурду.

Аьркинну бур муданнасса давурттай зунсса 1003 ин-
сан. Миннаву бур бетон бутIулт, чарил устартал, мон-
тертал, электриктал, тIаннул устартал, монтажниктал,
цинйав жураддал автомобиллу бачин бувулт, электрога-
зосварщиктал, машинистал, лухIи давурттай зунми.

Даврил чIун 7-18 ссят хъуннин.

Даврин къамул аву официалсса, щаллусса социал къу-
лайшивуртту даву. Зурул захIматрал харж 30 000-ния 120
000-нин бияннинсса.

Зунма кIул хъуну ччисса масъалалул хIакъираву бу-
чIан аьркинссар:

РД-лул захIматрал ва социальныйну хъычIунмай
шаврил Министертволин, ва адресрай: шагъру МахIач-
къала, Абубакаровлул цIанийсса куча, 117. Тел: 8(8722)
64-15-05. Ягу Лакрал район ш.Гъумучи, Сурхайхан -Iнал
цIанийсса куча.

тел: 8(267)-2-42-57.

Баян баву

Дахлай бур Гъумучиял хъунбярнил ялттучулий арх-
дакъасса къатри (Ххаллал къатри).

ЦIуххин буюхайссар телефоннал вай номердай оьв-
куну:

8 965 487 53 17 (ХIабибат).

8 978 -094 06 11 (АьвдурахIман).